



Amt für Natur und Umwelt
Uffizi per la natira e l'ambient
Ufficio per la natura e l'ambiente

ISTRUCZIUN PER L'EXPOSIZIUN PUBLICA

Da tge sa tracti?

Sut la direcziun da l'Uffizi per la natira e l'ambient (UNA) realisescha il chantun Grischun in'exposiziun publica dals inventaris dals biotops da la Confederaziun e dal chantun, vi da la quala persunas pertutgadas pon sa participar. Questa instrucziun mussa la via per ina proposta reussida via formular electronic.

Tut ils documents davart l'inventari chattais Vos online en pliras linguas sut il link: www.anu.gr.ch/biotope2018

Premissas/legitimaziun

Vus pudais participar a l'audiziun sulettamain sche Vus essas pertutgà da l'inventari. En il formular da consultaziun sto vegnir declarà per tge motiv che Vus essas pertutgà.

Retschertga

Sche Vus avais clers indizis ch'in object da l'inventari è cumplettaimain sbaglià u ha almain las conturas sbagliadas, u sche las pretensiuns vi d'in object d'importanza naziunala u regiunala n'èn betg accumuladas a Voss avis, faschai per plaschair ina crusch en ils quadrets correspondents. Per che l'UNA possia examinar ils fatgs stuais Vus stringentamain chargiar si infurmaziuns utilas davart Vossa proposta. Quai pon esser fotografias, cartaziuns da vegetaziun, indicaziuns da biros d'ecologia davart la vegetaziun u sumegliant. Sche Vus vulais trasmetter pliras datotecas pudais Vus unir questas en in singul document u en ina datoteca da .zip.

Decurs


1. Gai sin www.anu.gr.ch/biotope2018
2. Cliccai sin il simbol da la charta suenter il text d'introducziun pluriling (Maletg 1). I cumpara la charta interactiva (Maletg 2). Qua chattais Vos ils biotops ch'èn en consultaziun. A basa da differents criteris sco p. ex. vischnanca e numer da parcella pudais Vus arrivar al lieu desiderà. Sco alternativa èsi er pussaivel da zoomar la charta cun la marella.

Maletg 1

Interaktive Karte Vernehmlassung / Charta interactiva consultaziun / Carta interattiva consultazione



Maletg 2




3. Cliccai sco emprim sin l'instrument i.+ «Stellungnahme» (Maletg 3).
4. Tscherni uss sin la charta il biotop giavischà e cliccai sisur. I cumpara il formular per prender posiziun. Las indicaziuns per identifitgar l'object èn gia registradas.

Adatg: Sche Vossa tscherna pertutga plirs temas, cumpara il suandant quadret. Tscherni il tema giavischà.

5. Scrivai per plaschair tut las indicaziuns cumplet-tamain en la mascra d'endataziun e chargiai si las annexas a la proposta (motivaziun/cumprovas). Ils quadrets obligatorics èn marcads cun ina staila (Maletg 4). Tramettai uss il formular cun cliccar sin «OK».
6. I cumpara il monitor da conferma. Serrai quel cun «OK» (Maletg 5). Vus retschavais in e-mail automatic cun las indicaziuns da Vossa posiziun.
7. Sche Vus vulais prender posiziun davart ulteriurs objects, repeti da nov ils pass surmenziunads per mintga object.

Maletg 3



Maletg 4

Maletg 5

I ha funcziunà! Co vai vinavant?

Suenter che Vus avais fatg tut las indicaziuns necessarias e las avais transmess a l'UNA cun las cumprovas correspondentas vegnan questas repassadas ed examinadas dad experts. Sch'ina proposta per l'examinaziun dals fatgs maina a novas scuvertas, vegnan fatgas las correcturas necessarias en l'inventari dals biotops, respectivamain ellas vegnan renviadas a l'UFAM, sch'i sa tracta da prads e pastgs sitgs e/u d'objects da palids bassas d'importanza naziunala. I na vegn dentant manà nagina corrispondenza.

I n'ha BETG funcziunà! Co vai vinavant?

En cas che la transmissiun da Vossa proposta per in'examinaziun dals fatgs è incorrecta u n'ha insumma betg funcziunà, avais Vus la pussaivladad d'ans contactar durant las uras da biro. Vus pudais cuntanscher noss experts sut il numer da telefon 081 257 29 40.

Uffizi per la atira e l'ambient

Gürtelstrasse 89, 7001 Chur

Tel. 081 257 29 40, biotope@anu.gr.ch

www.anu.gr.ch